



15. septembar 2015.

Pravilnik o disciplinskom postupku u Gradskom klubu vodenih sportova Sarajevo

Povrede Kodeksa ponašanja i etike, u Gradskom klubu vodenih sportova Sarajevo (GKVS), Kodeks ponašanja (Plivači) i drugih GKVS strateških dokumenata će se razmatrati u skladu sa procedurama propisanim u ovom dokumentu. Disciplinski postupci odnose se samo na kršenja pravila kluba od strane članova GKVS. Klub nema ovlasti da razmotri žalbe protiv nečlanova, pripadnika drugih klubova plivanja (vodenih sportova), definisanim u BiH zakonodavstvu.

Cilj:

GKVS je posvećen provođenju svojih Kodeksa ponašanja i politike (uključujući ugovorene obaveze sa trenerima i izdatim pismima namjere) koji se odnose na svoje članove i njihove roditelje/staratelje. Ova politika je uspostaljena kao načelo za članove Upravnog odbora te da informiše članove GKVS i njihove roditelje/staratelje o procesu disciplinog postupka. Ona pruža smjernice za kažnjavanje članove GKVS koji su u suprotnosti sa Kodeksom ponašanja i njihove obaveze kao što je navedeno u politici kluba. Primarni cilj je potaknuti članove da u skladu s Kodeksom ponašanja ispune svoje obaveze kao što je navedeno u politici kluba.

Opšta načela:

GKVS disciplinski postupci zasnivaju se na sljedećim principima:

- Disciplinska pravila i procedure su osmišljene da budu nediskriminatorne i da se primjenjuju bez obzira na spol, rasu, seksualnu orijentaciju, invaliditet, religiju, dob ili bilo koju drugu pristrasnost.
- Sva pitanja će se razmatrati u skladu sa Pravilnikom o disciplinskom postupku.
- Očekuje se da će se većinom stvari baviti neformalno na bazenu ili na mjestu incidenta u vrijeme događaja.
- Svako ponašanje koje se smatra neprihvatljivim prema mišljenju trenera ili menadžera tima mogu dovesti do izdavanja "disciplinske opomene".
- Sva pitanja koja se odnose na disciplinski postupak će biti razmatrana štoje brže moguće. Osoba koja želi uložiti prigovor na neprikladno ponašanje obično treba učiniti u roku od 30 dana od incidenta.
- Ponavljanje istih ili teško kršenje kodeksa ponašanja će biti prijavljeni Predsjedniku Kluba - po mogućnosti u pisanom obliku.
- Nijedan član neće biti izbačen ili suspendovan iz kluba za prvo kršenje Kodeksa ponašanja, osim u slučaju ozbiljnog/teškog prekršaja.
- Članovi kluba će imati pravo na žalbu protiv bilo kakve formalne disciplinske odluke.

Postupak:

Svaku fazu disciplinskog postupka će nadgledati Upravni odbor GKVS, i kada je to potrebno, napraviti zapisnik tako da se evidentira tačan slijed događaja i odluka.



Po zaprimanju žalbe Predsjednik GKVS-a će odlučiti kakva radnja će se poduzeti. Ako Predsjednik odluči da se po prijavi treba postupiti formalno i sprovesti disciplinska istraga, Predsjednik će ili istražiti ovaj incident ili proslijediti ga Disciplinskoj komisiji koju imenuje Upravni odbor da dalje istraži slučaj.

U slučaju ozbiljnog incidenta isti može biti prijavljen predsjedniku ili treneru u formi dopisa naslovljen sa predmetom "Prijava incidenta", i roditelji uključenog plivača/ce će biti obaviješteni da je incident je prijavljen u klub te iniciran process po prijavi incidenta.

U slučaju kada je došlo do teške fizičke povrede, o tome se odmah moraju izvjestiti nadležni organi kako bi eventualno bio izvršen uvid na licu mjesta. Trener ili njegov/njen zamjenik mora obavijestiti roditelje/staratelje plivača u najkraćem mogućem roku. Svi izvještaji su privatni povjerljivi i mogu se davati samo osobama koje imaju pravo na uvid u skladu sa zakonom.

Pitanja treniranja:

U prvom slučaju kada plivač koji ne iskazuje razumno ponašanje ili potrebne standarde za vrijeme treninga ili takmičenja, ili gdje je plivač u očigledom kršenju Kodeksa ponašanja, sljedeća procedura će biti primjenjena: Prvo, trener zadužen za trening grupe/tima, gdje se dogodio incident ili nerazumno ponašanje će nastojati da se nosi sa situacijom u tom trenutku kroz neformalne intervencije, interakciju i razgovor sa plivačem/icom. Također obavještava roditelje, gdje se to smatra odgovarajućim i potrebnim.

Ova situacija je definirana kao **Faza 0** disciplinskog postupka i može dovesti do toga da plivač/ica budu isključeni sa treninga na kojem se neprikladno ponašanje odvija, i/ili pozvan na razgovor o datom ponašanju sa svojim roditeljem/starateljem, kod svog trenera ili glavnog tenera.

Ako plivač/ica i dalje ne ispunjava očekivanja tima, oni će odmah biti stavljeni u **Faza 1** disciplinskog postupka.

Sažetak:

- Trener pokušava u neposrednoj i neformalnoj interakciji/diskusiji riješiti problem ili nezadovoljavajuće ponašanje.
- Plivač/ica se može isključiti sa treninga ili naknadno pozvati na razgovor o datom ponašanju sa svojim roditeljem/starateljem, kod svog trenera ili glavnog tenera.
- Za drugu povredu kodeksa ponašanja, ili ponavljanje u kratkom vremenskom periodu istog neodgovornog ponašanja usmeno upozorenje će izdati trener (**Faza 1** disciplinskog postupka). Ovo će biti popraćeno izvještajem u pisanom obliku od trenera prema predsjedniku i najmanje još jednom članu uprave kluba.
- Plivač može biti premješten u drugu grupu za treniranje ukoliko to glavni trener smatra prikladnim.
- **Faza 2** disciplinskog postupka će se razmotriti.



ČETIRI FAZE DISCIPLINSKOG POSTUPKA

Faza 0 - Normalno Intervencija od strane trenera:

Očekuje se da će većina prekršaja, koji se dogode za vrijeme treninga, a odnose na povrede kodeksa ponašanja mogu biti riješeni efikasno, brzo i na odgovarajući način kroz normalnu i neformalnu interakciju i raspravu od strane Trenera sa odgovornim licima/stranama.

To će uvijek biti prva radnja koja se obavlja od strane Trenera sve dok to ne zahtijeva uključivanje ili provjeru bilo kojih drugi lica. Odgovarajući trener može obavijestiti ili se obratiti roditeljima/starateljima, ako to smatra prikladnim za nastalu situaciju izazvanu određenim neprikladnim ponašanjem.

Treneri imaju ovlasti da isključe plivača sa treninga na kojem se desio incident, a da pozove plivača na sastanak 'učinka' sa sobom i glavnim trenerom te roditeljem/starateljem ukoliko smatraju da je to neophodno.

Treneri mogu koristiti svoje diskreciono pravo i ličnu procjenu da pokrenu i ponove **Faza 0** neograničen broj puta prije nego prosljede slučaj u narednu fazu - **Faza 1**, koji bi trebao biti učinjen tek nakon što je jasno da kroz normalnu i neformalnu interakciju i raspravu od strane Trenera sa odgovornim licima/stranama nije moguće rješavanje problema.

Faza 1 – Izricanje usmene opomene:

Gdje ponašanje plivača ne zadovoljava standarde prihvatljive ili on/ona je počinio/la manji prekršaj ili incident, timski trener može po ličnom nahođenju izdati službene verbalno upozorenje plivača, o čemu će biti napravljena pisana zabilješka. U obzir će biti uzeti godine plivača te prethodni disciplinski prekršaji kao i ozbiljnost incidenta. Ako je član mlađi od 18 godina, timski trener će učiniti razumne napore da obavijeste odgovarajuće roditelje/staratelje, istog dana prije napuštanja objekta na kojem se održava trening/takmičenje.

Timski trener će obavijestiti glavnog trenera o datom verbalnom upozorenju (obično u roku od 24 sata), koji će potom blagovremeno obavijestiti člana, ili roditelja /staratelja ako je član mlađi od 18 godina, u pismenoj formi koja će sadržavati slijedeće:

- Razlog za upozorenje, potrebno poboljšanje u ponašanju koje treba da bude napravljeno, te datum kada usmeno upozorenje ističe. Ovo može uključivati izdavanje posebne pismene saglasnosti o neophodnom poboljšanju ponašanja od strane plivača.
- Informacija da je ova aktivnost poduzeta pod tačkom **Faza 1**, disciplinskog postupka GKVS-a.
- Da će dalje biti razmotrenopoduzimanje aktivnost definisano pod tačkom **Faza 2**, disciplinskog postupka GKVS-a, ukoliko se bude smatralo da ne postoji zadovoljavajući napredak prije isteka roka izdateog usmenog upozorenja ili ako dođe do daljeg kršenja kodeksa ponašanja.
- Njegova/njena prava na žalbu prema važećim zakonima BiH.

Sažetak:

- Formalno usmeno upozorenje, o čemu će biti napravljena pisana zabilješka.



GRADSKI KLUB VODENIH SPORTOVA SARAJEVO

- Član, ili roditelj/staratelj, ako je član mlađi od 18 godina starosti, će biti obaviješteni u pisanoj formi koja može uključivati izdavanje posebne pismene saglasnosti o neophodnom poboljšanju ponašanja od strane plivača.
- Faza 2 disciplinskog postupka GKVS-a će se razmotriti.

Faza 2 – Izdavanje pismenog upozorenja:

U slučaju ozbiljnijih incidenata, ili ako se prekršaj i dalje ponavlja (bilo da je slične ili druge prirode) pismeno upozorenje će se izdati članu ili roditelju/staratelju od strane glavnog trenera ili predsjednika kluba.

Pismeno upozorenje će sadržavati: razlog za upozorenje, potrebno poboljšanje u ponašanju koje treba da bude napravljeno, te datum kada pismeno upozorenje ističe. Slično kao kod faze disciplinskog postupka **Faza 1** ovdje se može pristupiti izdavanju posebne pismene saglasnosti o neophodnom poboljšanju ponašanja od strane plivača.

Takođe će se razmotriti **Faza 3** disciplinskog postupka GKVS-a, ako ne postoji zadovoljavajući napredak ili se i dalje ponavljaju djela kršenja kodeksa ponašanja. Istaknut će se i njegova/njena prava na žalbu.

Sažetak:

- Formalno pismeno upozorenje će se izdati članu, ili roditelju/staratelju, ako je član mlađi od 18 godina starosti.
- Može se zahtjevati izdavanje posebne pismene saglasnosti/ugovora o neophodnom poboljšanju ponašanja od strane plivača.
- Faza 3 disciplinskog postupka GKVS-a će se razmotriti.

Faza 3 - Suspenzija ili Prestanak članstva:

Ako je ponašanje i dalje nezadovoljavajuće i član se još uvijek ne pridržava propisanih standarda uprkos pismenog upozorenja, ili ako je član počinio akt kojim ozbiljno krši koeks ponašanja, onda može doći do suspenzije i/ili prestanka članstva plivača GKVS-a. Suspenzija ili prestanak članstva može nastati i ozbiljnim kršenjem bilo kojeg od GKVS pravilnika ili definisane klubske politike, te Zakona BiH.

Samo Upravni odbor GKVS-a može donijeti odluku da prekine članstvo plivača. Međutim, glavni trener ima potpune ovlasti nad sastavom pilavčkog tima/grupa i ako je dostignuta **Faza 3** u disciplinskom postupku GKVS-a, on/ona može zabraniti pristup bilo kojoj od grupa za teniranje i obavljanje treninga za dotičnog plivača/icu.

Prije donošenje odluke o prestanku članstva plivača, od strane GKVS za bilo koji od gore navedenih razloga, sproved će se potpuna istraga i bit će obavljen izlazni intervju. Samostalni zahtjev za prestanak članstva (ostavka) mogu se zatražiti u bilo koje vrijeme upućivanjem formalnog pisma sekretaru GKVS-a. Sve preostale naknade moraju biti plaćeni kada članstvo prestaje. Članovi koji napuštaju klub bez iršenja plaćanja zaostalih naknada će biti prijavljen Plivačkom savezu BiH. Svaka žalba protiv prestanka članstva mora biti dostavljena u roku od 14 dana, od dana donošenja odluke o prestanku članstva, sekretaru kluba u obliku formalnog pisma.



Istraga:

Teža povreda sportskog ponašanja i kodeksa ponašanja GKVS-a će biti predmet istrage. Svrha istraga je utvrditi činjenice predmetnog slučaja i evidentirati ih. Nivo istrage žalbe ili incidenta mora odlučiti bilo predsjednik Kluba ili predsjednik Disciplinske komisije/Pododbora i mora biti zasnovana na poštenom sudu u svojoj prirodi, ozbiljnosti prekršaja te i na tome koliko se zna o okolnostima prekršaja.

Važno je imati na umu da je svrha svih eventualnih naknadnih disciplinskih rasprava donijeti presudu zasnovanu na iznesenim činjenicama. Dakle, istraga se mora fokusirati na relevantnim činjenicama. U slučaju da je istraga otkrije nove incidentate, oni takođe mogu biti predmet istrage Disciplinske komisije.

Vrijeme:

Istrage koje mogu dovesti do disciplinskog postupka moraju se obaviti što je prije moguće u razumnom roku nakon što se navodno desilo nedolično ponašanje. Istraga treba sprovesti što je ranije moguće i u roku od 28 dana od dana prijema žalbe, osim ako postoje opravdani razlozi za produženje vremenskog okvira (npr lični ili obiteljski odmor). Svako produženje roka mora biti u potpunosti dokumentirano i odobreno od strane predsjednika Disciplinske komisije u pisanoj formi. Disciplinska komisija mora obavijestiti člana ili roditelja/staratelja člana pod istragom u pisanoj formi o produženju i razlogu za produženje.

Članovi GKVS koji ne odgovaraju, bez opravdanog razloga, na izjavu o navodnom nedoličnom ponašanju i/ili ne odazovu se na saslušanje pred disciplinskom komisijom moraju biti svjesni da Disciplinska komisija može donijeti odluku u njihovom odsustvu.

Mogući ishodi nakon saslušanja pred disciplinskom komisijom:

- Nepoduzimanje bilo kakvih daljih aktivnosti
- Pismena opomena. Opoeman će ostati na snazi za određeni vremenski period s uvjetima koj će biti definisani opomenom (ili u prilogu opomene).
- Izdavanje posebne pismene saglasnosti/ugovora o neophodnom poboljšanju ponašanja od strane plivača.
- Posljednje pismeno upozorenje.
- Privremena suspenzija.
- Odluka o trajnom prestanku članstva.
- Materijal prosljeđen na dalje razmatranje nadležnim organima.

Bilješka:

Član će biti obaviješten u pisanoj formi o detaljima ishoda i njihovim razlozima putem pisma "ishod disciplinskog saslušanja". Ovo će biti prosljeđeno članu/roditelju/staratelju u roku od 10 dana od dana zaključenja disciplinskog postupaka, osim ako postoje opravdani razlozi za produženje vremenskog okvira.

Nakon saslušanja pred disciplinskom komisijom:

Odluka Disciplinske komisije sa ishodom će ostati na snazi za određeni vremenski period, osim u slučaju trajnog prestanka članstva.

GRADSKI KLUB VODENIH SPORTOVA SARAJEVO



Prestanak članstva:

Ovaj ishod disciplinskog postupka će se koristiti samo u slučajevima kada bi član kontinuirano nastavio obrazac ponašanja ili napravio pojedinačni prekršaj gdje je izricanje prestanaka članstva bila jedina opcija.

Pravo na žalbu:

Prva pravo žalbe je u žalba Predsjedniku kluba. Žalba mora biti zaprimljena u roku od 14 dana. Predsjednik kluba će organizirati nezavisnu procjenu slučaja i donijeti odluku u roku od 28 dana, osim ako ne postoji opravdan razlog da se produži vremenski okvir. Konačni pravo na žalbu je moguće pred nadležnim sudskim organom.

Upravni odbor GKVS-a će pregledati ovaj postupak u redovnim godišnjim intervalima, kako bi se osiguralo da je efikasan i ostvaruje navedene ciljeve.

Janko Gojković
Predsjednik UO

